



## **De Probatis|| Sanctorvm|| Historiis**

Partim|| Ex Tomis Aloysii Lipoma-||ni, Doctissimi Episcopi, Partim Etiam||  
Ex Egregiis Manuscriptis Codicibus, Qvarvm permultæ antehàc nunquàm  
in lucem prodière

Complectens Sanctos Mensivm Novembris Et Decembris

**Surius, Laurentius**

**Coloniae Agrippinae, 1576-**

**VD16 S 10263**

In S. Theodorum Martyre[m] Oratio D. Gregorij Nysseni Episcopi.

---

[urn:nbn:de:hbz:466:1-77423](https://nbn-resolving.org/urn:nbn:de:hbz:466:1-77423)

presbytero dicebantur, nullum inquirendi studium posuit. Interea beatus Germanus Parisiacæ vr̄bis Episcopus adfuit, susceptusque ab Episcopo, post cenam domus Ecclesiasticæ, cum se sopori dedisset, apparuit vtrique per visum, Episcopo simul scilicet & Abbati: duxitque eos ad locum sepulcri, deprecans vt auferrent eum à loco illo. Expergesciti, simul ad vigilias conueniunt in ipsam sancti Symphoriani basilicam: explicitisq; officijs matutinis, refert Episcopus Abbatem, quæ viderat, confessusque est & ipse vidisse similiter. Igitur insequenti nocte accedentes illuc cum vno tantum clerico, qui cereum ferret, venerunt ad indicatum locum: eumque fodientes usque in profundum, sepulcrum reperiunt. Quo detecto, amotoque opertorio, viderunt sanctum corpus tanquam dormientis hominis nulla putredine resolutum. Quod admirantes, & iterum componentes, indicârunt Episcopo data die, quæ viderant. Tunc illi, conuocatis Abbatibus & Clero, cum honore atque p̄sallentio leuauerunt beatum sepulcrum: & quia vctes illi, quibus ferebatur, valde longierant, cum venissent ad porticum, non poterant defecti in ingressu eius, vt ad ostium actis sine labore accederent. Tunc beatus Germanus eleuata voce, ait: Sancte Dei sacerdos, si voluntas tua est in hanc basilicam ingredi, sentiamus leuamen adiutorij tui, & statim amisso pondere, ita in summa leuitate factus est sarcophagus, vt relicti vctibus, pauci manibus ferrent, quem vsque ad locum illum multi detulerant. Et sic celebratis Missis, gaudente populo, iuxta altare sepelitur, multis se deinceps virtutibus manifestans.

Illustre in primis miraculum.

Sepulcrum, pro sarcophago.

## IN SANCTVM MARTYREM THEODORVM, ORATIO D. GREGORII NYSSENI

*Episcopi, Petro Francisco Zino Veronensi interprete. Nos eam in capitula distinximus.*

Nouëbris 9.  
Cap. 1.  
Iam olim frequentes conuentus ad templa in ferijs Sanctorum.



**V**OS, Christi gens, grex sancte, regale sacerdotium, qui ex omnibus vr̄bis agrisque locis confluxistis, vndenam accepto professionis signo tam facile adducti estis, vt ad sacrum hunc locum frequentes conueniretis? Quis huius itineris officiosam ac promptam vobis necessitatem imposuit? præsertim cum hyemis tempestas sit, quo quidem tempore & bella quiescunt, & omnia milites arma deponunt, & ad fumum nautæ gubernacula reclinant, & agriculæ boues aratores in stabulo quiescentes alunt?

Cap. 2.

Vide quid possint Sancti.

Ex militaribus profectò recensionibus tuba cecinit sanctus martyr, multosque diuersis è patrijs ad propriam quietis sedem & domum conuocauit, non ad bellicam inuitans expeditionem, sed ad dulcissimam Christianisq; maximè conuenientem pacem. Hic enim, vt credimus, & anno superiore barbarorum tempestatem sedauit, & horribile immanium Scytharum bellum compressit, grauem ipsis, qui iam iamque appropinquare videbantur, terrorem incutiens, non galea cristata, nec bene exacuto & ad solem fulgente gladio, sed malorum expultrice omnipotentique Cruce Christi, pro quo etiam ipse mortem oppetens, hanc sibi gloriam comparauit.

Cap. 3.

Virtutes Sanctorum imitandæ.

Quæso autem vos, qui puræ huius celebritatis ministri estis, & martyrum studio, vt attentos mihi præbentes animos, consideretis, quantum lucri iustus hic fecerit, quantaque præmia sit in hoc, inquam, mundo & apud nos affectus. Eorum enim præmiorum, quæ non cernuntur, magnitudinem animo complexi nullus potest. Cumque pietatis fructum cognoueritis, illorum, qui sic honorati sunt, mentem imitemini, eaque munera concupiscatis, quæ Christus certantibus pro cuiusque dignitate distribuit. Ac, si videtur, dum à futuris illis bonis, quæ iustus hominibus, donèc humanæ vitæ iudex adueniat, spes bona conseruat, perfruendis se iuncti sumus, quàm præclarus & magnificus sit præsens sanctorum status & conditio, consideremus.

Cap. 4.

Animus enim ad proprias reuersus sedes, & corpore vacans, cum sui similibus uiuit: Corpus autem castum & inuiolatum eius instrumentum, nullis proprijs affectionibus hospitis quondam sui immortalitatem lædens, multo cum honore obseruantiæque

tiæque coniectum præclarè iacet, & veluti thesaurus quidam admodum preciosus, in  
tempus regenerationis conseruatur. Et quanuis ex eadem, ex qua cætera corpora, na-  
tura materia constet, nulla tamen ratione cum illis est comparandum. Aliorum  
enim reliquæ vulgò detestabiles sunt, nullusque volens ad eorum tumulos accedit.  
Quòd si dum aperiuntur, in eos casu quispiam incurrat, coniectis que oculis defor-  
mitatem intus iacentium adspiciat, magna oppletus molestia, & humanæ condi-  
tionis miseriam deplorans, prætercurrit. At si in locum similem huic, ad quem vos  
hodiè conuenistis, ubi iusti memoria sanctique reliquæ sint, accedat, primùm quidem  
operum, quæ cernit, magnificentia recreatur. Videt enim ædem, vt Dei templum,  
structuræ tum amplitudine, tum pulchritudine splendide exadificatum & exorna-  
tum, ubi & faber lignum ad animalium effigiem conformauit, & lapicida marmor ad  
argenti lenitatem expoliuit, & pictor artis suæ flores in imaginibus exprimens, res  
martyris præclarè gestas, labores, cruciatus, immanes tyrannorum adspæctus, impe-  
tus, ardentem illam & flammas euomentem fornacem, beatissimum athletæ finem,  
Christique certamini præsidens, ac præmia dantis humanæ formam imaginis: hæc,  
inquam, nobis tanquam in libro loquente artificiosè describens, martyris certamina  
sapienter exposuit, & instar prati nitidum templum illustrauit. Nouit enim etiam pi-  
ctura tacens in pariete loqui, & vilitatis plurimum afferre. Quinetiam lapillorum  
compositor, pauimentum, quod pedibus teritur, arte atque emblemate vermicula-  
rum, historia dignum effecit.

Quamobrèm his artis operibus sensibus obnoxijis oculos oblectantes, cupiunt lo-  
culo reliquas corporis partes admouere. Etenim ipso contactu sanctimoniam cre-  
dunt & charitatem excitari. Si quis autem puluerem in ipsa loculi superficie, ubi cor-  
pus martyris requiescit, inhærentem præbeat, pro ingenti munere accipiunt, & ter-  
ram tanquam rem preciosissimam reponunt. Nam si cui fortè facultas detur, vt ipsas  
reliquias attingat, id verò eiusmodi censetur donum, vt supremo voto nihil maius  
optari posse videatur. Hoc qui experti sunt, nõrunt, quique eo tenentur desiderio.  
Ipsam enim corpus perindè, acsi \* visura florensque sensibus adhærent, lachrymasque pie-  
tatis & affectionis indices effundunt, martyri que vt omnibus partibus integro ac vi-  
genti supplicant, vt pro se apud Deum legationis munere fungatur: Vt Dei mini-  
strum appellant, qui, quando vult, inuocatus munera impetret. Ex his omnibus pius  
populus discit, quam preciosa sit in conspectu Domini mors sanctorum eius. Etenim  
licet ex eadem massa confata concreta que sint omnia hominum corpora, ea tamen,  
quæ simpliciter intereunt, temerè proiecta iacent: quæ verò martyrij gratiam obti-  
nerunt, sic amabilia iucunda que sunt, & omnium studijs certatim complectenda,  
vt in præsentia declarauimus. Ex his ergò, quæ videmus, ea credimus, quæ non cer-  
nuntur: & ex his, quæ experimur in hac vita, speramus ea, quæ futura promittuntur  
in altera. Sunt enim multi, qui in ventre, inani que gloria, & caducis atque fragilibus  
rebus cumulan dis summum bonum collocantes, quid futurum sit, negligunt, atque  
huius vitæ sine putant omnia terminari.

Sed tu, qui sapiens es, ex paruis magna conijcito, ex adumbratis vera & solida co-  
gitato. Quis ex ijs, qui apud homines fuerunt excellentissimi, huiusmodi monu-  
mentis celebratur? Quis eorum Imperatorum, qui munitissimas vrbes expugnârunt,  
qui gentes innumerabiles subegerunt, ita decantatus est, vt miles hic pauper, qui nu-  
per erat in militiam ascitus, quem Paulus armauit, quem Angeli ad certamen vnxe-  
runt, quem victorem Christus coronauit? Verùm quia dicendo ad martyris pugnas  
appropinquauimus, agè singularem de ipso sermonem instituamus. gratum est enim  
cuique, quod ipsi proprium est.

Patria fuit viro generoso ea regio, quæ vergit ad orientem solem. Nobilis enim &  
hic quemadmodum Iob, inter eos, qui ad solis ortum habitant. Quarè cum eandem  
haberet patriam, eosdem etiam mores imitatus est. Nunc autem patria est illi orbis  
terrarum. Omnis enim martyr, eius regionis, quæ sub sole habitatur, eius censetur.  
Indè ad militiam profectus, cum propria cohorte in hanc regionem se contulit. Hic  
enim milites ab ipsis Imperatoribus iussi fuerant hyemare. Sed aliud, non ex barba-  
rorum impetu, sed ex lege & decreto impio sathanæ suscitatum est bellum. Omnes enim  
Christiani nefaria sententia condemnati, ad supplicium ducebantur. Tunc igitur,  
runc hic ter beatus, pietate insignis, & fidem in Christum sic vbique circumferens, vt  
tantum

Corpora  
sanctorum,  
thesaurus  
preciosus.

Obserua te-  
plorum am-  
plitudinem  
&c.

Vitæ sacra-  
rum imagi-  
num ante-  
quissimas.

Vilitas ea-  
rum.

Cap. 5.  
Contractus  
reliquiaru.

Nota de  
pulvere.

De reliquijs

\* vitium, lo-  
gendu cen-  
seo.

Psalm.

Cap. 6.

Gloria mar-  
tyrum etiã  
in hac vita  
quæ illis sit.

Cap. 7.  
S. Theodori  
patria.

Iob 1.  
Fit miles.

MUR IUS

OPER  
ADDER  
RVIII  
5

tantum non in fronte confessionem inscriptam gereret, non amplius tyronis, aut nuper delecti militis robur pre se tulit, neque se rei militaris imperitum, aut pugne ignarum exhibuit: sed generosos ac strenuos spiritus ad subeunda pericula sumens, haudquaquam demisit animum, aut hesitavit, aut ullam in loquendo timoris suspicionem praebuit. Nam cum improbi illi iudices, Dux & Centurio in idem, ut olim Herodes & Pilatus, conspirantes confedissent, & crucique affixi seruum in eiusmodi iudicium, quo Dominus quondam eius circumueurus fuerat, accessissent: Dic nobis, inquit, unde tibi tantum audacia & confidentia ingenitum sit, ut regias leges despicias, neque mandata domini contremiscens venerere, & eorum, qui rerum potiuntur, obnebant.

Sistitur ad tribunal.

Cap. 8.  
Constantis  
martyris  
vox.

Quibus ille constanti vultu menteque intrepida opportunè respondit: Ego, inquit, deos ignoro, qui reuera nulli sunt. Vos autem impostores daemonas, Dei nomine cohonestantes, aberratis. Mihi quidem Deus est Christus, qui Dei filius est unigenitus. Quamobrem me religionem ac fidem ipsius confidentem, & vulnerator fecit, & percussor cadat, & combustor mihi flammam admoveat, & qui vocibus meis offenditur, linguam excindat. Corpus enim in singulis partibus procreatori suo patientiam & tolerantiam debet. His rationibus victi sunt Tyranni, nec primum strenui militis impetum sustinuerunt, cum adolescentem ad subeunda tormenta promptum & alacrem cernerent, mortemque tanquam dulce aliquod poculum haurire cupientem.

Cap. 9.

Animalis  
homo non  
percipit q  
sunt Dei.

Dum igitur parumper hesitant illi, & quid facto opus sit, inter se consultant, quidam ex ea legione, qui facundior & astutior esse putabatur, martyris responsionem eludens, Est ne, inquit, o Theodore, filius Deo tuo? & generat ille, quem admodum homines, cum perturbatione? Nullam in generando (respondit) nouit perturbationem Deus meus. Ex quo & filium ego confiteor, & generationem Deo conuenientem intelligo. Te vero, o rationis expertus, atque infans, nonne pudet? nonne robore suffunderis, Deum etiam foeminam asserens, qui ipsam quidem ut filiorum genitricem, & instar leporum aut suum foecundam daemonem, facile tum vterum gerentem, tum parientem colas? Sic igitur sancto duplicem in idolorum cultorem irrisionem retorquenti, Tyranni ad speciem humanitatis, Modicum, inquit, temporis spatium ad considerandum furenti concedatur. Fortasse interim deposita insania resipiscet, & ad meliorem frugem se recipiet. Insaniam enim, dementes sapientiam appellabant: stuporem autem & furorem, pietatem & religionem. Quemadmodum fit, quando illi, qui ebrii sunt, sobrijs exprobrant morbum suum.

Cap. 10.

S. Theodor  
us inflam  
mat fanum  
profanum.

At pius vir & Christi miles, ad virile facinus conficiendum, spatium illud conuenit. Ecquod autem facinus? Tempus iam est, ut cum laetitia narrationem hanc excipiat. In metropoli Amasea fanum fuit, quod fabulosa deorum matri decepti illi quondam homines vanitate, quodam in loco propter fluminis ripam construxerunt. Hoc fanum generosus ille, dum per inducias liber ac tutus esset, opportunitatem & propitium auræ flatum obseruans, incendit atque combussit. Itaque quod omnino post deliberationem expectabant, re ipsa sceleratis responsum dedit. Quod quidem omnibus patefactum est, siquidem nec clarissimus in parte ciuitatis accensus ignis, id occultari permisit, & ipse adeo latere non studuit, ut aperte tum preclaro facinore gloriari, tum perturbatione, qua propter templi statuaque combustionem conterriti erant impij, gaudere maiorem in modum videretur. Cum igitur ad perfectos author incendij delatus esset, multo horribilius in eum, quam antea, iudicium est constitutum, ut par erat, animis eorum tanti momenti re concitatis. Quamobrem cum in tribunali resedissent, Theodorus praesenti animo in medio stetit, imperantisque fiduciam praese tulit, non ut reus respondens, sed ut iudex interrogans, & celeritate confessionis interrogationem interrumpens. Quarè posteaquam non stupidus aut attonitus apparuit, atque illi acerbitate minarum, quibus minimè peperceraut, se nihil proficere animaduertent, ad artes contrarias confugere, & promissis iniustus hominem iustum, rebusque inglorijs gloriosum allicere conati, Tibi, inquit, sacerdotij primarij dignitatem pollicemur.

Blanditur  
ei iudices  
amplissi  
mis pro  
missis.

Cap. 11.

Quo quidem audito, vir beatissimus vehementi irrisione: Ego, respondit, cum sacerdores idolorum miseros duco, eorumque me, quod tam stulto munere fungantur, miseret, tum sacerdotum principes multo magis commiseror & detestor. Inter flagitio-

flagitiosos enim quos quis maior atque præstantior, eo nequior & infelicio. Sic inter iniustos, qui iniustus est: sic inter homicidas, qui crudelior: inter adulatorem, qui perulantior. Idcirco posthæc à perniciosis pollicitationibus abstinete. Ignoratis enim, <sup>Ea ille contemnit.</sup> ó viri, vos malorum extremum mihi polliceri, Nam piè & rectè viuere profitentem, <sup>Psal. 83.</sup> præstat abiectionem esse in domo Dei, quàm habitare in tabernaculis peccatorum. Ego vel istos Reges quorum assiduè leges iniquas proponitis, miseror, qui maxima inter homines regij muneris dignitate non contenti, sibi sacerdotum principis dignitatem vendicant: ideoque lugubrem & tenebricosam purpuram induuntur, instar infelicium principum sacerdotum, illustri regie dignitati tristem amictum inducentes. Quinetiam aliquandò ad nefarias aras accedentes, pro regibus sunt coci, dum aues sacrificant, & pecudum viscera miserè perspiciunt, & sanguinis tabo tanquàm laniones quidam inquinantur.

Post has iusti hominis voces, ne fictam quidè & simulatam amplius humanitatem præ se tulerunt, sed illum & in deos maximè impium, & in Reges contumeliosum & maledicum vocantes, primum ligno, quo torquentur homines, suspensum ceciderunt ac lacerarunt. Ille verò carnificibus vehementer sæuientibus, forti alacrique animo perferens, versum etiam illum è psalmo decantabat: Laudabo Dominum in omni tempore, semper laus eius in ore meo. Ipsi carnes eius dilaniabant. At ille psallebat, vt si non ipse, sed alius eos cruciatus sustineret. Sic autem laceratum ac dilanatum carcer excepit. Vbi rursus circa sanctum admiranda gerebantur. Etenim per totam noctem vox multitudinis canentium exaudita est: & eiusmodi faces eluxerunt, vt ijs, qui extra carcerem erant, tota nocte splendor effulserit. Quo quidem spectaculo cantuque admirabili commotus carceris custos, in cubiculum insilijt: sed præter martyrem quiescentem, & multos vincetos, qui dormiebant, inuenit neminem.

Cum igitur multis tormentis adhibitis, in confessione religionisque magis ipse perstaret, sententia in eum lata est, vt igne vitam finiret. Atque ita præclarum beatumque iter ad Deum confecit: nobis autem memoriam certaminis tanquàm magistram reliquit. Qua quidem ille populos congregat, Ecclesiam instituit, demones fugat, conciliat angelos pacis, orat à Deo, quæ nobis vtilia sunt. Hunc enim locum, tanquàm diuersis morbis medicinas suppeditantem officinam constituit, procellis tempestatibusque periclitantium portum, egentium opulentum ærarium, dulce peregrinorum hospitium, festos dies celebrantium nunquàm desinentem congressum. Quamuis enim certum & solennem hunc diem quorannis celebremus, nunquàm tamen deficit studiosè aduenientium multitudo. Quamobrèm publica, quæ ducit huc, via fornicarum similitudinem conferuat, alijs redeuntibus, alijs venientibus, alijs succedentibus. <sup>Cap. 13. Ignis supplicio vitam finit.</sup>

Nos igitur, ó beate, anni circulo benignitate creatoris peracto, sacrum hunc martyrumque studiosum cœterum congregauimus, cõmunem adorantes Dominum, certaminumque tuorum præconium memorabile celebrantes. Tu verò, celebratis auctor, quæcumque te ora tenet, huc ad nos veni. Nos enim te vocantem vicissim vocamus. Quocirca siue sublimi in æthere moraris, siue cælestem aliquam apsidè circumuertis, siue inter angelorum choros constitutus Domino assistis, siue inter Principatus & Potestates vt seruus fidelis eum adoras, istis omnibus parumpèr intermissis, ad nos, qui te colimus & honoramus, accede. Ac licet oculis nostris minimè perspicuus sis, sacrificia nostra tamen intueri: vt quas Deo, qui tibi pro vno supplicio, & pia vnica confessione tam multa munera largitur, gratias agimus, ipse conduplices. Meritam ex sanguine, quem effudisti, & ignis cruciatu, quem pertulisti, lætitiã percipe. Quot enim tunc supplicij tui spectatores erant, tot nunc honoris ministros habes. <sup>Cap. 14. Intocatur hic sanctus martyr.</sup>

Multis beneficijs indigemus. Tu legationis munere fungere apud communem Regem pro patria tua. Martyris enim patria est locus, vbi ille passus est: ciues, & fratres, & propinqui, qui reliquias eius ornant, qui tuentur, qui venerantur. Calamitates metuumus, pericula formidamus. Haud procul absunt exitiales Scythæ, qui contra nos machinantur bellum. Vt miles propugna, vt martyr pro conferuis dicere vere libertate. Quamquàm tu vitam hanc transcendisti, humanas tamen molestias & necessitates non ignoras. Impetra nobis pacem, nè ipsæ celebritates intermittantur, nè rabidus & sacrilegus barbarus in templis & altaribus comesset, nè sancta profanus conculcet. Nos quidem, quod hæcenus facti tecti seruati sumus, tibi acceptum referimus, sed in posterum etiam securitatem postulamus. <sup>Cap. 15. Nota de reliquijs martyrum venerandis &c. Sancti non ignorat res nostras.</sup>

V

Quòd

MURTIUS

OPER  
NOBER  
RVIII  
5

Quòd si maiore sit opus auxilio, fratrum tuorum martyrum chorum adhibe, & vnà cum omnibus supplica. Multorum preces iustorum, nationum & populorum crimina diluant. Petrum admone, Paulum excita, Iohannem Theologum dilectum discipulum aduoca, vt Ecclesiarum, quas constituerunt, pro quibus catenas pertulerunt, pro quibus pericula & cades perpessi sunt, solliciti curam suscipiant. Nè cultus idolorum contra nos caput tollat, nè hæreses tanquàm spinæ vineam suppullulantes lædant, nè zizania crescentia triticum suffocent, nè qua petra veri roris pinguedinem nobis excutiat. Sed tuæ precationis opè magnus fructuum prouentus appareat, restetque instituta Christianorum vita, tanquàm in pingui atque frugifero solo, præclaram & admirabilem ad finem vsque segetem ferat, vnde nobis proueniat fructus æternæ vitæ in Christo Iesu Domino nostro, quicum patri & spiritui sancto gloria, honor & imperium in secula seculorum, Amen.

### MARTYRIVM EIVSDEM SANCTI ET GLO- RIOSI MARTYRIS CHRISTI THEODORI TYRO-

*nis: Ex Simeone Metaphraste. Habetur in  
Tomis Aloysij.*

Nouèbris 9.  
iuxta Lati-  
nos.

Non vult S.  
Theodorus  
sacrificare  
dæmonib.

Militat Re-  
gi Christo.



**M**AXIMIANVS & Maximinus Imperatores, emisertunt decretum in vniuersam terram, quæ parebat eorum imperio, vt omnes gentes, quæ credebant pie religioni Christianorum, si execrandos cibos gustassent, salui essent: qui autem contra dicebant, traderentur iudicijs. Quo tempore militans S. Theodorus tyro in Orientis regione cum multis alijs, ductus est ad legionem, quæ vocabatur Mar- maritarum, sub Præposito Brinca: quæ legio sedebat in ciuitate Ponti, nomine Amafea. Ductus verò S. Theodorus, cogebatur sacrificare simulacris. Verus autem Christi miles Theodorus, cum esset Deo fidelis, repletus sancto Spiritu, dixit in medio legionis: Ego sum Christianus, & iustus sum non sacrificare adulterinis. habeo enim Iesum Christum Regem in calis. Dixit Brinca Præpositus: Velis me audire Theodore, & accipe toram tuam armaturam: & cum militaueris, veni dijs sacrificatum. Sanctus Theodorus respondens, dixit: Ego milito meo Regi Christo, & deceterò non possum alij militare. Dixit Brinca Præpositus: Et ij omnes, qui adsunt, sunt Christiani, & militant. Respondens autem sanctus, dixit: Vnusquisque scit, quomodo militet. Ego verò milito meo Domino & Regi caelsti Deo, & filio eius vnigenito.

Posidonius Ducenarius, qui adstabat, dixit: Et filium habet Deus tuus, ô Theodore? Respondens autem S. Theodorus, dixit: Habet certè filium verbum veritatis, per quem fecit omnia, Dixit verò ei Præpositus: Possumus ne ipsum cognoscere? Dixit S. Theodorus: Vellem, si vobis Deus talem dedisset intelligentiam, vt cum cognosceretis. Dixit Posidonius: Et si eum cognouerimus, non possumus relinquere nostrum Imperatorem, & ad illum accedere? Dixit S. Theodorus: Nihil est, quod vos impediatur, quò minus relinquatis tenebras, & quam ad breue tempus habetis fiduciam erga vestrum breui tempore duraturum & terrenum Imperatorem, & accedatis ad Deum viuum & Regem & Dominum aeternum: & ei militetis, quomodo ego. Dixit Brinca Præpositus: Ej cedamus vsque ad aliquot dies, vt cum seipsum admo- nuerit, accedat ad id, quod est vile.

Christiani  
quidā mit-  
tantur in  
carcerem.

S. Theodo-  
rus inflan-  
mat templu  
matris deo-  
rum.

Cum ergò accepisset id, quod concedebatur, orabat sine intermissione, & lauda- bat Dominum. Ira autem fremebant impij, & erant solliciti de quibusdam alijs ex ci- uibus: quos etiam comprahenderunt, & duxerunt in carcerem. Beatus verò Theo- dorus eos sequens acclamabat, docens viam salutis & tolerantia, nè negarent Chris- tum Regem. Cum illi autem fuissent inclusi, ipse S. Theodorus inuento tempore opportuno, noctu combussit templum matris deorum. Visus autem fuit à quibus- dam è ciuitate, & accusatus. Cronides verò quæstor propter hoc timore affectus, eum comprahendit & adduxit ad Præsidentem Publum, sic eum docens: Domine mi- hic vir pestifer, recens electus tyro, qui malè venit in nostram ciuitatem, combussit templum matris deorum, & deos affecit iniuria. Eum ergò comprahensum duxi ad tuam